



Máis de 50 empresas innovadoras inscritos en Mercainnova, o mercado do talento do festival de música de PortAmérica.

Até o momento inscribíronse **52 proxectos, negocios, empresas e colectivos** para participar como **expositores** en

Mercainnova

, que terá lugar durante o festival PortAmérica, (nos días 19, 20 e 21 de Xullo, en Porto do Molle, Nigrán), nunha área designada no interior do recinto.

Entre eles, empresas que apostan por ferramentas online como é o caso de [Plan de Xira](#), novas

fórmulas para os espazos de traballo, como

[Espacio Nido](#)

, dedicados ao público infantil como

[ARTE Miúda](#)

, colectivos artísticos como

[Metamovida](#)

, medios impresos e online como

[Dot](#)

ou

[Disquecool](#)

ou aquelas centradas no transporte sustentable ou o desenvolvemento de apps.

Unha oferta variada, ampla e heteroxénea de iniciativas que, en moitas ocasións, xurdiron como unha resposta activa á crise. Para moitos destes emprendedores significa autoemprego, reconversión desde outras áreas profesionais e saber aproveitar as carencias do mercado e as

Escrito por Redaccion @valminorinfo
Mércores, 13 Xuño 2012 03:20

súas oportunidades. Unha boa mostra do potencial en innovación xurdido do talento de individuos e colectivos, que aflora en tempos de crise.

Os expositores terán a oportunidade de presentar ao público do festival os seus produtos e servizos nunha área destinada ao mercado situada dentro do recinto. Ademais, desenvolveranse actividades de dinamización, intercambio e colaboración entre os inscritos en Mercainnova, que se anunciarán proximamente.

Aínda é posible inscribirse para participar en Mercainnova a través deste [formulario](#) , até o próximo 18 de Xuño, de xeito gratuíto.

{youtube}BSHvnT83PRY{/youtube}